Phèdre *Phaedra*

Sénèque Lucius Annaeus Seneca

1996

Chapitre 1

texte: vers 218 au vers 330

```
Phaedra: Amoris in me maximum regnum puto
    reditusque nullos metuo: non umquam amplius
    convexa tetigit supera qui mersus semel
                                                                         220
    adiit silentem nocte perpetua domum.
Nutrix: Ne crede Diti. Clauserit regnum licet
    canisque diras Stygius observet fores:
    solus negatas invenit Theseus vias.
Phaedra: Veniam ille amori forsitan nostro dabit.
                                                                         225
Nutrix: Immitis etiam coniugi castae fuit:
    experta saevam est barbara Antiope manum.
    sed posse flecti coniugem iratum puta:
    quis huius animum flectet intractabilem?
    exosus omne feminae nomen fugit,
                                                                         230
    immitis annos caelibi vitae dicat,
    conubia vitat : genus Amazonium scias.
Phaedra: Hunc in nivosi collis haerentem iugis,
    et aspera agili saxa calcantem pede
    sequi per alta nemora, per montes placet.
                                                                         235
    Resistet ille seque mulcendum dabit
    castosque ritus Venere non casta exuet?
Nutrix: tibi ponet odium, cuius odio forsitan
    persequitur omnes? precibus haud vinci potest.
```

²¹⁹ puto] fero A, reor Z \parallel 223 Diti] ditis A \parallel 228 saevam est] est saevam A \parallel 234 Hunc in nivosi collis haerentem iugis,] omisit A \parallel 235 et aspera agili saxa calcantem pede] omisit A \parallel 236 sequi per alta nemora, per montes placet.] omisit A \parallel 237 Resistet ille seque mulcendum dabit] Nutrix: K Q e Ox d L n r \parallel 238 castosque ritus Venere non casta exuet?] Nutrix: K Q e Ox d L n r \parallel 240 persequitur omnes? precibus haud vinci potest.] Phèdre: K Q e Ox d L n r

Phaedra: Ferus est? amore didicimus vinci feros.	240
Nutrix: Fugiet.	
Phaedra : Per ipsa maria si fugiet, sequar.	
Nutrix: Patris memento.	
Phaedra: Meminimus matris simul.	
Nutrix : Genus omne profugit.	245
Phaedra : Paelicis careo metu.	
Nutrix : Aderit maritus	
Phaedra : Nempe Perithoi comes?	
Nutrix : Aderitque genitor,	
Phaedra : Mitis, Ariadnae pater.	250
Nutrix : Per has senectae splendidas supplex comas	
fessumque curis pectus et cara ubera	
precor, furorem siste teque ipsa adiuva :	
pars sanitatis velle sanari fuit.	
Phaedra: Non omnis animo cessit ingenuo pudor.	255
paremus, altrix. qui regi non vult amor	
vincatur. haud te, fama, maculari sinam.	
haec sola ratio est, unicum effugium mali :	
virum sequamur, morte praevertam nefas.	
Nutrix : Moderare, alumna, mentis effrenae impetus,	260
animos coerce, dignam ob hoc vita reor	
quod esse temet autumas dignam nece.	
Phaedra: Decreta mors est: quaeritur fati genus.	
laqueone vitam finiam an ferro incubem?	
an missa praecepsArce Palladia cadam?	265
Proin castitatis vindicem armemus manum.	
Nutrix : Sic te senectus nostra praecipiti sinat	
perire leto? siste furibundum impetum.	
haud quisquam ad vitam facile revocari potest	
Phaedra: Prohibere nulla ratio periturum potest:	270
ubi quimori constituit et debet mori.	

Nutrix : Solamen annis unicum fessis, era, si tam protervus incubat menti furor,

²⁴¹ Ferus est? amore didicimus vinci feros.] Nutrix : A \parallel 243 si fugiet] si fugiat A \parallel 252 splendidas] splendida E \parallel 254 ipsa] A \parallel 255 pars] E \parallel 256 ingenuo] ingenio E \parallel 261 mentis] mortis A \parallel 262 vita] ultra E \parallel 267 Proin castitatis vindicem armemus manum.] pro(h) castitatis vindicem armemus manum. A, omisit G \parallel 268 Sic] si A \parallel 269 siste] sisteque S, sique P T V \parallel 270 haud quisquam ad vitam facile revocari potest] omisit A \parallel 272 qui] quis A \parallel 273] Proin pro(h) castitatis vindicem armemus manum. G

peius merenti melior et peior bono. temptemus animum tristem et intractabilem. meus iste labor est aggredi iuvenem ferum mentemque saevam flectere immitis viri. Chorus: Diva non miti generata ponto, 280 quam vocat matrem geminus Cupido, impotens flammis simul et sagittis iste lascivus puer et renidens tela quam certo moderatur arcu! labitur totas furor in medullas 285 igne furtivo populante venas. non habet latam data plaga frontem, sed vorat tectas penitus medullas, nulla pax isti puero : per orbem spargit effusas agilis sagittas; 290 quaeque nascentem videt ora solem, quaeque ad Hesperiae iacet ora metas, si qua ferventi subiecta Cancro, si qua Parrhasiae glacialis ursae semper errantes patitur colonos, 295 novit hos aestus, iuvenum feroces concitat flammas senibusque fessis rursus extinctos revocat calores, virginum ignoto ferit igne pectus et iubet caelo superos relicto 300 vultibus falsis habitare terras. Thessali Phoebus pecoris magister egit armentum positoque plectro impari tauros calamo vocavit, induit formas quotiens minores 305 ipse qui caelum nebulasque ducit : Candidas ales modo movit alas, dulcior vocem moriente cygno; fronte nunc torva petulans iuvencus virginum stravit sua terga ludo, 310

275

contemne famam fama vix vero favet,

284 lascivus puer et renidens] puer lascivus et acre nitens A \parallel 285 moderatur] jaculatur A \parallel 286 labitur totas furor in medullas] omisit A \parallel 287 igne furtivo populante venas.] omisit A \parallel 289 vorat] vocat A \parallel 293 Hesperiae iacet ora metas] occasus jacet pra seros A \parallel 294] est A BOTHE C E F G GROTIUS K L M N Ox P Q R S T Th V Z d e ecl recc perseus ed \parallel 295 Parrhasiae] majoris A \parallel 307 ducit] fecit E \parallel 309 vocem] voce E A

perque fraternos nova regna fluctus ungula lentos imitante remos * pectore adverso domuit profundum, pro sua vector timidus rapina, arsit obscuri dea clara mundi nocte deserta nitidosque fratri tradidit currus aliter regendos: ille nocturnas agitare bigas discit et gyro breviore flecti, dum tremunt axes graviore curru; nec suum tempus tenuere nectes et dies tardo remeavit ortu.

315

320

natus Alcmena posuit pharetras et minax vasti spolium leonis, passus aptari digitis zmaragdos et dari legem rudibus capillis; crura distincto religavit auro. luteo plantas cohibente socco; et manu, clavam modo qua gerebat, fila deduxit properante fuso: Vidit Persis ditique ferox Lydia regno deiecta feri terga leonis umerisque, quibus sederat alti regia caeli,

tenuem Tyrio stamine pallam.

325

330

335

³¹² nova] mala A \parallel 321 dum tremunt axes graviore curru;] omisit A BOTHE C E F G GROTIUS K L M N Ox P Q R S T Th V Z d e ecl recc ed \parallel 324] dum tremunt axes graviore curru; A BOTHE C E F G GROTIUS K L M N Ox P Q R S T Th V Z d e ecl recc perseus ed \parallel 333 Vidit] Vidi E \parallel 334 regno] regni C recc, harenae GROTIUS, harena Z

Glossaire

Alcmena Reine de Tirynthe et mère d'Héraclès. 4

Antiope Reine des Amazones. 1

Arce Pallas-Athena est un des noms de la déesse Athéna, déesse protectrice de la ville d'Athènes. 2

Ariadnae Soeur de Phèdre et fille du roi de Crète, Minos. 2

Cancro Ces pays ont en commun d'être familiers des romains et des grecs, et d'être traversés par le tropique du Cancer. Cela peut être les pays actuels de l'Algérie, du Niger, de la Mauritanie, de l'Egypte, de la Lybie et de l'Arabie Saoudite. 3

Cupido Dieu de l'amour. 3

Lydia Pays de l'Antiquité situé en Asie Mineure, à l'est de l'Eolie. 4

Palladia Déesse de la sagesse. 2

Perithoi Roi des Lapithes. 2

Persis Pays recouvrant notammant l'Iran. 4

Phoebus Dieu incarnant le soleil, aussi appelé Phébus. 3

Stygius Fleuve mythologique des enfers. 1

Theseus Roi d'Athènes. 1

Thessali Région au sud de la Macédoine et au nord de l'Epire faisant partie de la Grèce antique. 3

Tyrio Ville de Phénicie, au sud de l'actuel Liban. 4